

**Samarqand davlat pedagogika instituti talabalari o'rtasida
o'tkaziladigan xorijiy tillar (ingliz, nemis, fransuz, italyan, ispan, koreys,
xitoy, yapon, arab) fan olimpiadasi to'g'risida.**

NIZOM

1-bob. Umumiy qoidalar

1. Mazkur Nizom talabalar o'rtasida xorijiy tillar (ingliz, nemis, fransuz, italyan, ispan, koreys, xitoy, yapon, arab) bo'yicha fan olimpiadasini (keyingi o'rinlarda Olimpiada deb yuritiladi) tashkil etish, o'tkazish, unda qatnashish, olimpiada g'oliblarini aniqlash va rag'batlantirish tartibini belgilaydi.

2. Samarqand davlat pedagogika instituti talabalari o'rtasida o'tkaziladigan xorijiy tillar (ingliz, nemis, fransuz, italyan, ispan, koreys, xitoy, yapon, arab) fan olimpiadasi jarayonlari davrida ishtirokchilarning telefon va turli aloqa vositalaridan foydalanishlari taqiqlanadi.

3. Olimpiada jarayonida ishtirokchilarning o'zaro gaplashishi, aloqa vositalari va turli qo'shimcha manbalardan foydalanishi holatlari aniqlanganda ishtirokchi olimpiadadan chetlashtiriladi, bayonnoma rasmiylashtiriladi, bajargan ishlari tekshirilmaydi va baholanmaydi.

2-bob. Olimpiadaning asosiy maqsad va vazifalari

4. Olimpiadaning asosiy maqsadi - talabalarning xorijiy tillar (ingliz, nemis, fransuz, italyan, ispan, koreys, xitoy, yapon, arab) bo'yicha fanga oid bilimlarini mustahkamlash, xorijiy tillarni bilish darajasi bo'yicha ko'nikmalarini takomillashtirish, tarjimonlik mahorati hamda fanda ilmiy-tadqiqotchilik faoliyatiga bo'lgan qiziqishlarini rivojlantirish, yoshlar o'rtasida bilimlarning keng tarqalishi va ommalashishiga erishishni qo'llab-quvvatlashdan iborat.

5. Olimpiadaning asosiy vazifalari quyidagilar hisoblanadi:

Institutda iqtidorli talabalar bilan ishlash jarayonini yanada takomillashtirish;
talabalar o'rtasida iqtidorli va qobiliyatli yoshlarni saralash va qo'llabquvvatlash;

talabalarning xorijiy tillarga bo'lgan qiziqishlarini yanada oshirish;
talabalarning tarjimonlik sohasidagi bilim va ko'nikmalarini mustahkamlash;

talabalarining xorijiy tillarda ijodiy qobiliyatlarini namoyon etishlariga sharoit yaratish;

talabalarning fanga oid bilim va ko'nikmalarini mustahkamlash va intellectual salohiyatini rivojlantirish imkoniyatlarini kengaytirish;

mantiqiy, tanqidiy va tahliliy fikrlash va fanga bo'lgan qiziqishlarini oshirish va boshqalar;

olimpiada g'oliblarini O'zbekiston davlat jahon tillari institutda bo'lib o'tishi rejalashtirilgan xalqaro xorijiy tillar (ingliz, nemis, fransuz, italyan, ispan, koreys, xitoy, yapon, arab) bo'yicha fan olimpiadasiga tavsiya etish.

6. Olimpiadani o'tkazish jarayoni va natijalari to'g'risidagi ma'lumotlar ijtimoiy tarmoqlarda hamda institutning rasmiy veb-saytlarida yoritiladi.

3-bob. Hakamlar hay'ati

7. Olimpiadada bellashuv jarayonlarining barcha bosqichlarini nazorat qilib borish uchun fanlar bo'yicha komissiya raislari tomonidan (zarur hollarda komissiya raislari orasidan hamda xorijiy mutaxassislar jalb etilishi mumkin) 3 nafardan 5 nafargacha a'zo bo'lgan tarkibda Hakamlar hay'ati tuziladi.

8. Hakamlar hay'ati:

Baholash mezonlarini ishlab chiqadi va tasdiqlash uchun fanlar bo'yicha komissiya raislariga taqdim etadi;

olimpiada ishtirokchilari tomonidan bajarilgan ishlarni tasdiqlangan baholash mezonlari asosida xolisona tekshiradi, baholaydi va g'oliblarni aniqlaydi; baholash natijalarini e'lon qiladi;

o'tkazilgan olimpiada natijalari bo'yicha qaror qabul qiladi va uning bayonnomasini tuzib, fanlar bo'yicha komissiya raislariga taqdim etadi.

9. Hakamlar hay'ati a'zolari olimpiada g'oliblarini xolisona aniqlashda va nazorat materiallarining maxfiyligini ta'minlashda shaxsan javobgar hisoblanadi.

10. Olimpiadani o'tkazish jarayonida qoida buzarliliklar (jamo a'zolari to'g'risida noto'g'ri ma'lumotlar, teng ishtirok etish tamoyillarining buzilishi, nomaqbul xatti-harakatlar va h.k.) aniqlangan taqdirda, hakamlar hay'ati tegishli intizomiy jazo choralarini ko'rish, shuningdek, olimpiadaning istalgan bosqichida ishtirokchilarni diskvalifikatsiya qilish huquqiga ega.

11. Olimpiada natijalarini olimpiada ishtirokchilari va fanlar bo'yicha komissiya raislari guvohligida e'lon qilish, zarur hollarda ishtirokchilar savollariga javob berish, ularning e'tirozlarini ko'rib chiqib, o'rnatilgan tartibda bartaraf etish.

4-bob. Apellyatsiya komissiyasi

12. Apellyatsiya komissiyasi hakamlar hay'ati tarkibiga kirmagan uch nafargacha fan bo'yicha mutaxassislardan iborat tarkibda tuziladi (zarur hollarda fanlar bo'yicha komissiya raislari orasidan).

13. Apellyatsiya komissiyasi tomonidan olimpiada ishtirokchilarining arizalari olimpiada natijalari e'lon qilingandan so'ng 24 soat ichida qabul qilinadi. Apellyatsiya jarayonida hakamlar hay'ati a'zolari, ishtirokchi va uning fan o'qituvchisi ishtirok etishi mumkin.

14. Apellyatsiyada olimpiada ishtirokchilarining faqatgina o'zlari tomonidan bajarilgan ishlari qayta ko'rib chiqiladi.

15. Hakamlar hay'ati tomonidan baholangan ishtirokchining bajargan ishida baholash mezonlariga mos kelmaslik holatlari aniqlanganda, apellyatsiya komissiyasi hakamlar hay'ati qarorini bekor qilish yoki ularga o'zgartirishlar kiritish bo'yicha taklif beradi.

16. Apellyatsiya komissiyasi hakamlar hay'atiga apellyatsiya natijalari bo'yicha izoh berib, olimpiada natijalarini o'zgartirishi mumkin va bunda apellyatsiya komissiyasi bilan kelishilgan holda zarur holatlarda hakamlar hay'ati qarori qayta tasdiqlanadi.

5-bob. Olimpiada g'oliblarini aniqlash tartibi

17. Olimpiadaning institut bosqichi g'oliblari Hakamlar hay'ati natijalari asosida aniqlanadi va birinchi o'rin g'oliblari ikkinchi bosqichga tavsiya etiladi.

18. Olimpiada g'oliblari quyidagi topshiriqlarni bajarilish darajasiga qarab aniqlanadi:

Birinchi shart - tinglab tushunish.

10–15 daqiqa davomida chet tilida berilgan audio materialni (intervyu, suhbat yoki ma'ruza) tinglash hamda tinglangan material mazmuni bo'yicha. *tuzilgan 40 ta savollarga javob berish uchun umumiy 30 daqiqa vaqt beriladi.*

Ikkinchi shart – o'qib tushunish.

Ijtimoiy, madaniy, ilmiy va umumiy mavzularga oid, chet tilidagi 3 ta matnlar asosida tuzilgan 40 ta savoldan iborat test topshiriqlariga javob berish uchun 60 daqiqa.

Uchinchi shart - yozma nutq.

Berilgan mavzu bo'yicha kamida 250 so'zdan iborat insho yozish 45 daqiqa.
To'rtinchi shart – og'zaki nutq.

Suhbat ikki bosqichda amalga oshiriladi:

1-bosqich: Oddiy savol-javob shaklida kundalik hayotga oid mavzularda suhbat.

2-bosqich: Ishtirokchiga kartochka asosida berilgan mavzu bo'yicha 1–2 daqiqa davomida fikr bildirish (monolog).

Og'zaki topshiriqlar uchun ajratilgan umumiy vaqt 11-14 daqiqa.

19. Olimpiadada qatnashgan talabalar o'rtasida o'rinlarni taqsimlash olimpiada bosqichlarida berilgan topshiriqlar asosida to'plagan ballarga qarab aniqlanadi.

20. Barcha bosqichlardan o'tgan talabalarning umumiy to'plangan ballari hisoblanib, natijalar kamayib borish ketma-ketligida g'oliblarning o'rni aniqlanadi.

21. Olimpiadaning ikkinchi bosqichi g'oliblarining soni har bir fan bo'yicha quyidagicha belgilanadi:

birinchi o'rin -1 nafar;

ikkinchi o'rin - 1 nafar;

uchinchi o‘rin - 1 nafar.

22. Bir necha talabgorlarning natijalari bo‘yicha ular tomonidan to‘plangan yakuniy ballari teng bo‘lgan taqdirda ularga qo‘shimcha test belgilanadi.

23. Tashkiliy qo‘mita qaroriga ko‘ra, ikkinchi o‘ringa ikki nafar hamda uchinchi o‘ringa uch nafargacha talabgor g‘oliblikka tavsiya etilishi mumkin.

6-bob. Olimpiada g‘oliblarini taqdirlash tartibi

24. Olimpiadaning institut bosqichida 1, 2, 3-o‘rinlarni egallagan talabalarga institutning 1, 2, 3-darajali diplomi beriladi.

25. Olimpiada faqat 1-o‘rinni egallagan g‘oliblarga O‘zbekiston davlat jahon tillari institutda bo‘lib o‘tishi rejalashtirilgan xalqaro xorijiy tillar (ingliz, nemis, fransuz, italyan, ispan, koreys, xitoy, yapon, arab) bo‘yicha fan olimpiadasi ishtirok etish uchun tavsiya etiladi

7-bob. Yakuniy qoida

Mazkur nizomda belgilangan masalalar bo‘yicha nizolar O‘zbekiston Respublikasi qonun hujjatlariga muvofiq hal qilinadi.